

Ա.

Գերապատիւ և Գերաշարգ Տեառն Տեառն Արքայ Հօր մերոյ
Ստեփաննոս Վրդպ.ի բազում խոնարհութեամբ ողջոյն սպասմբոյր

... Թագաւորն յոյժ բարեք վարի այժմ, և ամենեքին գովեն զիմաստութիւն նորա. միայն թէ նախի աղան որ միշտ առ թագաւորին էր, և հանապազ բարեխառնէր զօրէնս և զհրամանս նորա, մեռաւ յաւուրս յայտոսիկ, և ամենեքին լացին զմահ նորա մանաւանդ հայր և յոյնք: Հացն էր եօթանասուն տրամն ստակ մի, և յաւուրս յայտոսիկ է 85, տրամն ստակ մի: Վէզիրն զհաճոյս թագաւորին շահել կամեցեալ զիրս եասախին հոգացաւ խտազոյն ևս պատուիրել. իսկ թագաւորն յաւուր միում յորժամ շրջէր ընդ քաղաքն ծպտեալ, զԲնչ է այս ասէ ցվէզիրն զի ծառայք իմ կապկանման շրջին ընդ քաղաքն: Այւ անտի սակաւ մի ընդարձակեցաւ նաև ի կողմանէ եասախին: Ակնեցիք բողոք կալեալ առ թագաւորն վասն էմիրի միոջ վասն չարութեանց նորա, և առեալ ոստիկան ի թագաւորէն զթուռնաճի պաշին նորա, սպանանել ետուն զէմիրն. բայց յետոյ բազմութիւն էմիրներուն յարուցեալ ի ձեռն կնոջ միոյ լեզուազարի, որ իբրև մայր մեռելոյն անձամբ խօսէր յատենին, կալան զարս չորս երևելիս յակնեցոց անտի որ ի կոստանդնուպօլիս, և գլխատեցին ի դուռն արքունի: Վէզիրն ի շրջին ծպտեալ ետ կշեկ զմիսն զոր կին մի առեալ էր ի մտավաճառէն, և գտաւ կշիռն պակասեալ յօխայէն 15 տրամ. և ասաց ցկինն ցուցանել զկրպակ մտավաճառին. իսկ տէր կրպակին իրազեկ եղեալ խոյս ետ անտի. և եկեալ վէզիրն ի կրպակն եզիտ ի նմա մտավաճառ զթուրք մի երիտասարդ անձնեայ, և նա էր տարաշխարհիկ օտար նորոգ եկեալ ի կոստանդնուպօլիս, և մտեալ ի կրպակն իբրև խալֆայ. յայնժամ հրաման ետ վէզիրն կախել զնա ի կրպակի անդ իւրում վաղվաղակի, իսկ նա յերկիրէն առժամայն անկաւ և մեռաւ: Վասն որոյ կախեցին զնա ըստ հրամանին արկեալ չուան ըստ անութ նորա: Նորանիստ պատրիարքին ի վերայ քրթմնջին էր ի մէջ հայոց, և կաթուղիկոսն հրաման առաքեաց զնել կոստանդնուպօլիս զայլ ոմն իբրև նուիրակ իւր բաց ի պատրիարզէն, և էր ասին յանուանէ նշանակեալ զաբրահամ վարդապետն զառաջնորդն իզմիրու. ընդդէմ կացին պատրիարզն և պատրիարգականք նորոգ նուիրակութեանն և նուիրակին այնմիկ. և խտացաւ բան պատրիարգականացն և ֆերմանով և չաւուշով վտարեցին և առաքեցին զաբրահամն որ ակն եղեալ էր պատրիարգութեան կոստանդնուպօլի յերկիր և յաշխարհ իւր:...

Յամի տեառն 1764
Հոկտեմբերի 16
[Կ. Պոլիս]

Նուաստ ծառայ
Հ. Անանիա Ճամպազօղլու

ՍԾԲ.

Բ

Գերաւեծար գերշարգելի Արքայ հօր մերոյ
Տեառն Տեառն Ստեփաննոսի վարդապետի ողջոյն

Թղթ. ՃՂԿ

... Յաւուրս յայտոսիկ հատին զգլուխս չորից ի յակնցոց՝ որոց ոմանք էին սառաֆք, և ոմանք հացագործք. զերիս ևս զայլս ի յակնցոց խնդրէին սպանանել. բայց նոքա թագեան, և ոչ եկին ի ձեռս: Պատճառն սպանման սոցա էր այս, զի ի գաւառն ակնայ նախիպ (այսինքն գլխաւորն էմիրներու) ոմն ընդ ոմանց էմիրից բազում չարիս և վնասս հասուցանէր նոցա. զորոց իբրև աստ ի ստամպօլ ետուին ակնցիք (գլխաւորքն այնք գլխատեալքն) արգուհալս թագաւորին. սա առաքեաց անդ զիւր թուռնաճի պաշին առ ի